

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

**MIŠLJENJE**

**po Zahtjevu privrednog subjekta Telemach d.o.o. Sarajevo, o obavezi  
podnošenja prijave namjere koncentracije koja će nastati sticanjem kontrole nad  
privrednim subjektom „Telekabel“ d.o.o. Zenica**

**Sarajevo,  
januar, 2012. godine**



Broj: 01-26-7-023-1-I/11  
Sarajevo, 19.1.2012. godine

Na osnovu člana 25. stav (1) tačka f) Zakona o konkurenciji ("Službeni glasnik BiH", br. 48/05, 76/07 i 80/09), a po Zahtjevu za davanje stručnog mišljenja privrednog subjekta „Telemach“ d.o.o. - Društvo za pružanje usluga u oblasti telekomunikacija d.o.o. Sarajevo, Džemala Bijedića br. 216, 71000 Sarajevo, Bosna i Hercegovina zastupanom po Seadu Miljkoviću, advokatu iz Sarajeva, Zmaja od Bosne br. 7, 71000, zaprimljenom dana 7. decembra 2011. godine, Konkurencijsko vijeće, na 26. (dvadesetšesto) sjednici održanoj dana 19. januara 2012. godine, donijelo je

### **MIŠLJENJE**

Privredni subjekt „Telemach“ d.o.o. Društvo za pružanje usluga u oblasti telekomunikacija d.o.o. Sarajevo, Džemala Bijedića br. 216, 71000 Sarajevo (u daljem tekstu: Podnosilac zahtjeva ili Telemach), podnio je Konkurencijskom vijeću dana 7. decembra 2011. godine pod brojem: 01-26-7-023-I/11, Zahtjev za davanje stručnog mišljenja (u daljem tekstu: Zahtjev) u vezi postojanja obaveze podnošenja prijave koncentracije koja će nastati sticanjem kontrole nad privrednim subjektom „Telekabel“ d.o.o. Zenica - Društvo za projektiranje, izgradnju i održavanje telekomunikacijskih sistema, Štrosmajerova br. 14, 72000 Zenica (u daljem tekstu: Telekabel) kupovinom 100,0% udjela u ovom privrednom subjektu.

Privredni subjekt Telemach, upisan u Registar privrednih subjekata Općinskog suda u Sarajevu pod brojem: 65-01-0620-08, na osnovu relevantnih dozvola Regulatorne agencije za komunikacije Bosne i Hercegovine (u daljem tekstu: RAK) pruža usluge kablovske i bežične distribucije RTV programa, internet usluge i usluge fiksne javne telefonije, te je stekao pravo uspostavljanja, rada i održavanja javne telekomunikacijske mreže na cijeloj teritoriji Bosne i Hercegovine. Povezana društva privrednog subjekata Telemach na tržištu Bosne i Hercegovine su slijedeći privredni subjekti: „KIT BH“ d.o.o. Sarajevo, „MO NET“ d.o.o. Mostar i „MoNET CATV“ d.o.o. Mostar.

Osnivač i 100,0% vlasnik udjela u privrednom subjektu Telemach je privredni subjekt Bosnia Broadband S.à.r.l., rue Ermesinde 67, L-1469, Luksemburg koji je upisan u Registar privrednih subjekata Luksemburga pod brojem: B153262.

Privredni subjekt Telekabel je upisan u Registar privrednih subjekata Općinskog suda u Zenici pod brojem: 43-01-0037-10, te na osnovu relevantnih dozvola RAK-a pruža usluge žičane i bežične distribucije RTV programa, internet usluge i ima izgrađen vlastiti optički kablovski komunikacijski sistem na području općina Zenica, Kakanj i Vitez.

Privredni subjekt Telemach je, zajedno sa povezanim društvima, na tržištu Bosne i Hercegovine u 2010. godini ostvario ukupan prihod od (..)\*<sup>1</sup> KM, dok je privredni subjekt Telekabel na tržištu Bosne i Hercegovine u 2010. godini ostvario ukupan prihod u iznosu od (..)\* KM.

Kako se navodi u Zahtjevu, tržišni udio privrednog subjekta Telemach i njegovih povezanih društava na relevantnom tržištu distribucije RTV programa na teritoriji Bosne i Hercegovine iznosi (..)%, te privrednog subjekta Telekabel (..)%, dok tržišni udio privrednog subjekta Telemach i njegovih povezanih društava na relevantnom tržištu pružanja internet usluga na teritoriji Bosne i Hercegovine iznosi (..)%, te privrednog subjekta Telekabel (..)%.

Prema procjeni Podnosioca zahtjeva tržišni udio privrednog subjekta Telemach i njegovih povezanih društava na relevantnom tržištu pružanja usluga distribucije RTV programa na području Zeničko-dobojskog kantona iznosi (..)%, dok tržišni udio privrednog subjekta Telekabel iznosi (..)%.

Tržišni udio privrednog subjekta Telemach i njegovih povezanih društava na relevantnom tržištu pružanja internet usluga na području Zeničko-dobojskog kantona iznosi (..)%, te privrednog subjekta Telekabel (..)%.

U skladu sa navedenim podacima, Podnosilac zahtjeva traži mišljenje od Konkurencijskog vijeća, da li je u obavezi podnijeti prijavu namjeravane koncentracije, u smislu čl. 12. i 14. Zakona o konkurenciji (u daljem tekstu: Zakon).

Članom 12. stav (1) Zakona propisano je šta se smatra pod pojmom koncentracije.

Također, obaveza prijave koncentracije privrednih subjekta postoji ukoliko su ispunjeni kumulativni uslovi iz člana 14. stav (1) tačke a) i b) Zakona, tj. ukoliko ukupni godišnji prihod svih učesnika koncentracije ostvaren prodajom roba i/ili usluga na svjetskom tržištu iznosi 100.000.000,00 KM po završnom računu u godini koja je prethodila koncentraciji i ukoliko ukupni godišnji prihodi svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM po završnom računu u godini koja je prethodila koncentraciji, ili ako je njihov zajednički udio na relevantnom tržištu veći od 40,0%.

Na osnovu dostavljenih podataka Konkurencijsko vijeće smatra da u predmetnom slučaju nisu ispunjeni uslovi za obavezu prijave koncentracije.

Ovo Mišljenje je dato na osnovu podataka o ukupnom godišnjem prihodu učesnika koncentracije iz 2010. godine, te tržišnim udjelima na relevantnom geografskom tržištu (Bosne i Hercegovine i Zeničko-dobojskog kantona) i relevantnom tržištu proizvoda / usluga (distribucija RTV programa i internet usluga), utvrđenim od Podnosioca zahtjeva.

Obzirom da je Mišljenje dato isključivo na osnovu podataka iz Zahtjeva, ukoliko podaci odstupaju od stvarnog činjeničnog stanja ovo Mišljenje se ne može primijeniti.

---

<sup>1</sup> (..)\* - Podaci predstavljaju poslovnu tajnu

Konkurencijsko vijeće naglašava da je članom 14. stav (1) tačka b) Zakona utvrđeno da se ukupan godišnji prihod učesnika koncentracije (i njihovih povezanih društava) izračunava na temelju prodaje proizvoda i /ili usluga na tržištu Bosne i Hercegovine u godini koja je prethodila koncentraciji, što znači da ako se koncentracija provodi u 2012. godini, ukupan ostvareni prihod se odnosi na 2011. godinu.

Također, članom 2. Odluke o utvrđivanju relevantnog tržišta ("Službeni glasnik BiH", br. 18/06 i 34/10) je utvrđeno da je Konkurencijsko vijeće isključivo nadležno za utvrđivanje relevantnog tržišta za svaki pojedinačni slučaj namjeravane koncentracije.

Ovo mišljenje je dato isključivo na osnovu podataka iz Zahtjeva, te ukoliko ovi podaci odstupaju od stvarnog činjeničnog stanja ovo mišljenje se ne može primijeniti.

**Predsjednik  
Ibrica Lakišić**